



Asunto: Aprobación de ordenanza reguladora Punto de Atención á Infancia.
Expediente TEDeC: 2025/G014/000001

De acordo co ordenado pola Alcaldía, mediante Providencia, e en cumprimento do establecido na mesma, o técnico de administración xeral do concello emite o seguinte,

INFORME

PRIMEIRO. O Municipio, segundo dispón o artigo 25 da Lei 7/1985, de 2 de abril, Reguladora das Bases do Réxime Local, para a xestión dos seus intereses e no ámbito das súas competencias, pode promover toda clase de actividades e prestar cantos servizos contribúan a satisfacer as necesidades e aspiracións da comunidade veciñal.

Así mesmo, na súa calidade de Administración Pública de carácter territorial, e sempre dentro da esfera das súas competencias, corresponde a este Concello a potestade regulamentaria e de autoorganización.

O regulamento de Réxime interno de Punto de Atención á Infancia ten por obxecto establecer a organización e funcionamento do centro ao abeiro da normativa estatal e autonómica que rexe a materia así como as ordenanzas e regulamentos municipais, ou normativa que, no seu caso, os substitúa, por este motivo **proponse a derogación total do actual Regulamento publicado no BOP Nº 153 do 16 de setembro de 2020 e establecer un novo que responda ás necesidades e normativa actuais, en virtude das observacións emitidas durante a última inspección levada a cabo polo Servizo de inspección de Familia e Menores.**

Página 1
de 5

SEGUNDO. A Lexislación aplicable é a seguinte:

- Os artigos 4, 22.2.d), 25, 49 e 70.2 da Lei 7/1985, de 2 de abril, Reguladora das Bases do Réxime Local.
- Os artigos 128 ao 131 e 133 da Lei 39/2015, de 1 de outubro, do Procedemento Administrativo Común das Administracións Públicas.
- O artigo 56 do Texto Refundido das disposicións legais vixentes en materia de Réxime Local, aprobado por Real Decreto Lexislativo 781/1986, de 18 de abril.
- O artigo 26 da Lei 50/1997, de 27 de novembro, do Goberno *[en todo aquilo que sexa adaptable á Administración Local]*.
- O artigo 7.c) da Lei 19/2013, de 9 de decembro, de transparencia, acceso á información pública e bo goberno.
- Lei 5/1997, de 22 de xullo de Administración Local de Galicia.

TERCEIRO. Con carácter previo á elaboración do proxecto de regulamento ou de Ordenanza, se sustanciará una Consulta Pública, a través do portal web da Administración competente na que se solicitará a opinión dos suxeitos e das organizacións máis representativas potencialmente afectados pola futura norma acerca de:



- a) Os problemas que se pretenden solucionar coa iniciativa.
- b) A necesidade e oportunidade da súa aprobación.
- c) Os obxectivos da norma.
- d) As posibles solucións alternativas regulatorias e non regulatorias.

CUARTO. Sen prexuízo da consulta previa á redacción do texto da iniciativa, cando a norma afecte os dereitos e intereses lexítimos das persoas, o centro directivo competente publicará o texto no portal web correspondente, co obxecto de dar audiencia aos cidadáns afectados e solicitar cantas achegas adicionais poidan facerse por outras persoas ou entidades. Así mesmo, poderá tamén solicitarse directamente a opinión das organizacións ou asociacións recoñecidas por lei que agrupen ou representen ás persoas cuxos dereitos ou intereses lexítimos vérense afectados pola norma e cuxos fins garden relación directa co seu obxecto.

QUINTO. A consulta, audiencia e información públicas reguladas no artigo 133 da Lei 39/2015, de 1 de outubro, do Procedemento Administrativo Común das Administracións Públicas, deberán realizarse de forma tal que os potenciais destinatarios da norma e quen realicen achegas sobre ela teñan a posibilidade de emitir a súa opinión, para o que deberán pórse á súa disposición os documentos necesarios, que serán claros, concisos e reunir toda a información precisa para poder pronunciarse sobre a materia.

Página 2
de 5

Poderá prescindirse dos trámites de consulta, audiencia e información públicas previstos neste artigo no caso de normas orzamentarias ou organizativas da Administración Xeral do Estado, a Administración autonómica, a Administración local ou das organizacións dependentes ou vinculadas a estas, ou cando concorran razóns graves de interese público que o xustifiquen. De acordo cos principios de boa regulación previstos no artigo 129 da Lei 39/2015, de 1 de outubro, do Procedemento Administrativo Común das Administracións Públicas, a omisión destes trámites esixirá una ampla e detallada xustificación.

SEXTO. No exercicio da potestade regulamentaria, as Administracións Públicas actuarán de acordo cos principios de necesidade, eficacia, proporcionalidade, seguridade xurídica, transparencia, e eficiencia. No preámbulo, dos proxectos de regulamento, quedará suficientemente xustificada a súa adecuación a devanditos principios.

No proxecto de Ordenanza así como no preámbulo do texto definitivo da mesma deberá acreditarse a súa adecuación aos principios de boa regulación contidos no artigo 129 da Lei 39/2015, de 1 de outubro, do Procedemento Administrativo Común das Administracións Públicas, concretamente:

En virtude dos principios de necesidade e eficacia, a iniciativa normativa deberá estar xustificada por unha razón de interese xeral, basearse nunha identificación clara dos fins perseguidos e ser o instrumento máis axeitado para garantir a súa consecución.

En virtude do principio de proporcionalidade, a iniciativa que se propoña deberá conter a regulación imprescindible para atender a necesidade a cubrir coa norma, tras



constatar que non existen outras medidas menos restritivas de dereitos, ou que impoñan menos obrigación aos destinatarios.

A fin de garantir o principio de seguridade xurídica, a iniciativa normativa exercerase de maneira coherente co resto do ordenamento xurídico, nacional e da Unión Europea, para xerar un marco normativo estable, predicible, integrado, claro e de certidume, que facilite o seu coñecemento e comprensión e, en consecuencia, a actuación e toma de decisións das persoas e empresas.

En aplicación do principio de eficiencia, a iniciativa normativa debe evitar cargas administrativas innecesarias ou accesorias e racionalizar, na súa aplicación, a xestión dos recursos públicos.

SÉTIMO. Conforme ao artigo 129.5 da Lei 39/2015, de 1 de outubro, do Procedemento Administrativo Común das Administracións Públicas, en aplicación do principio de transparencia, as Administracións Públicas posibilitarán o acceso sinxelo, universal e actualizado á normativa en vigor e os documentos propios do seu proceso de elaboración, nos termos establecidos no artigo 7 da Lei 19/2013, de 9 de decembro, de transparencia, acceso á información pública e bo goberno; definirán claramente os obxectivos das iniciativas normativas e a súa xustificación no preámbulo ou exposición de motivos; e posibilitarán que os potenciais destinatarios teñan una participación activa na elaboración das normas.

Página 3
de 5

Neste sentido, sinala o artigo 7.c) da Lei 19/2013, de 9 de decembro, de transparencia, acceso á información pública e bo goberno, que as Administracións Públicas, no ámbito das súas competencias, publicarán os proxectos de Regulamentos cuxa iniciativa lles corresponda. Cando sexa preceptiva a solicitude de ditames, a publicación producirase una vez que estes sexan solicitados aos órganos consultivos correspondentes sen que iso supoña, necesariamente, a apertura dun trámite de audiencia pública.

OITAVO. Cando a iniciativa normativa afecte os gastos ou ingresos públicos presentes ou futuros, o informe económico deberá cuantificar e valorar as súas repercusións e efectos, e supeditarse ao cumprimento dos principios de estabilidade orzamentaria e sustentabilidade financeira.

NOVENO. Durante todo o proceso de aprobación da Ordenanza municipal reguladora do P.A.I. do Concello de Lousame, deberá cumprirse coas esixencias de publicidade activa en virtude do disposto no artigo 21.4 da Lei 39/2015, de 1 de outubro, do Procedemento Administrativo Común das Administracións Públicas e na normativa vixente en materia de transparencia.

DÉCIMO. A aprobación das Ordenanzas locais axustarase ao seguinte procedemento:

A. Con carácter previo á elaboración do proxecto de Ordenanza, realizarase a Consulta Pública previa, a través do portal web do Concello, sinalando expresamente que dita publicidade realízase aos efectos de solicitar a opinión dos suxeitos e das organizacións máis representativas potencialmente afectados pola futura norma.



O Concello publicará un Anuncio-Memoria na que recollerá os extremos previstos no artigo 133.1 da Lei 39/2015.

O prazo da consulta pública previa, por analogía co artigo 82.2 da Lei 39/2015, non será inferior a dez días nin superior a quince.

B. Á vista do resultado da consulta pública previa, por Providencia de Alcaldía, solicitarase aos Servizos Municipais competentes, en razón da materia, a elaboración da Ordenanza municipal reguladora do servizo municipal de subministración de auga potable do Concello de Lousame.

C. Elaborado e recibido o proxecto de Ordenanza, corresponderá a aprobación inicial da mesma polo Pleno (artigo 49 da Lei 7/1985, de 2 de abril, Reguladora das Bases do Réxime Local), previo Ditame da Comisión Informativa, e abrirase período de información pública, por un prazo mínimo de trinta días, para que os interesados poidan presentar as reclamacións e suxestións que estimen oportunas. O Acordo de aprobación inicial, xunto co texto íntegro da Ordenanza, publicarase no *Boletín Oficial da Provincia* e no taboleiro de anuncios do Concello.

Simultaneamente, publicarase no portal web do Concello <http://www.concellodelousame.gal/index.php/gl/> co obxecto de dar audiencia aos cidadáns afectados e solicitar cantas achegas adicionais poidan facerse por outras persoas ou entidades.

Página 4
de 5

Así mesmo, poderase solicitar directamente a opinión das organizacións ou asociacións recoñecidas por lei que agrupen ou representen ás persoas cuxos dereitos ou intereses lexítimos vérense afectados pola norma e cuxos fins garden relación directa co seu obxecto.

D. Concluído o período de información pública, se se presentaron reclamacións e/ou suxestións, deberán resolverse estas, incorporándose ao texto da Ordenanza as modificacións derivadas da resolución das alegacións. A aprobación definitiva corresponde ao Pleno, de conformidade co disposto polos artigos 22.2.d) e 49 da Lei 7/1985, de 2 de abril, Reguladora das Bases do Réxime Local, previo Ditame da Comisión Informativa.

E. No caso de que non se presenten reclamacións en relación coa aprobación inicial da Ordenanza no prazo de información pública, entenderase definitivamente adoptado o Acordo até entón provisional, estendéndose por esta Secretaría a certificación que acredite a elevación a definitiva da aprobación inicial.

F. O Acordo de aprobación definitiva, expresa ou tácita, da Ordenanza, co texto íntegro da mesma, debe publicarse para o seu xeral coñecemento no taboleiro de anuncios do Concello e no *Boletín Oficial da Provincia*, tal e como dispón o artigo 70.2 da Lei 7/1985, de 2 de abril, Reguladora das Bases do Réxime Local.

Así mesmo, estará a disposición dos interesados na sede electrónica deste Concello dirección <http://www.concellodelousame.gal/index.php/gl/>



Concello de Lousame

Praza Teodomiro Hidalgo, 1
15214 Lousame
A Coruña
981 82 04 94
www.concellodelousame.com
concellodelousame@concellodelousame.com
C.I.F. P-1504300-c

G. O Concello debe remitir á Administración do Estado e ao Departamento correspondente da Comunidade Autónoma, no prazo de quince días desde a aprobación, copia do Acordo definitivo de aprobación e copia íntegra do texto da Ordenanza ou, no seu caso, a certificación que acredite a elevación a definitiva da aprobación inicial, así como copia íntegra autenticada dos mesmos.

Este é o meu informe, se prexuízo doutro mellor que deberá estar igualmente fundado en dereito, en Lousame na data da sinatura dixital.

O Técnico de Administración Xeral.
José Martínez Redondo.

Visto, achéguese ao expediente.
O Alcalde.
Esteban Ares García.